



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKO VIJEĆE**

Broj: 01 _____
Datum: _____ 2016. godine

PRIJEDLOG

Na osnovu člana 2. Zakona o osnovama sigurnosti saobraćaja na cestama Bosne i Hercegovine („Službeni glasnik BiH” broj 6/06, 75/06 i 44/07) i člana 14. Statuta Općine Tešanj („Službeni glasnik Općine Tešanj” broj 11/07), Općinsko vijeće Tešanj na svojoj ___ sjednici održanoj dana _____ 2015. godine d o n o s i

ODLUKU

o izmjenama i dopunama Odluke o organizaciji i sigurnosti saobraćaja na cestama

Član 1.

U Odluci o organizaciji i sigurnosti saobraćaja na cestama („Službeni glasnik Općine Tešanj“ broj: 3/10, 1/12, 10/14 i 4/15) u članu 11. tačka 1. brišu se riječi ul."Ali-paše Hećimovića" od kuće Mugdima Kadića do raskrsnice prema stambenom naselju "Krndija" i Regionalnom putu "R-474" i zamjenjuju riječima ulica "Safeta Hadžihasića".

Član 2.

Član 13. mijenja se i glasi:

- (1) Zabranjuje se saobraćaj za sva vozila u ulici: "Titova" od Apoteka "Tefarm" Tešanj do raskrsnice ulica "Ilirski trg" i Trg gazi Ferhad-bega" u vremenu od 07,00 do 13,00 sati u dane pijace (utorak i petak).
- (2) U navedenoj ulici zabranjeno je parkiranje motornih vozila i saobraćaj za vozila čija ukupna masa prelazi 3,5 t.
- (3) U vrijeme zabrane nije dopušteno uključivanje motornih vozila u ulicu "Titova " iz sporednih ulica.

Član 3.

Ova Odluka stupa na snagu osmog dana od dana objavljivanja u „Službenom glasniku Općine Tešanj“.

**PREDSJEDAVAJUĆI VIJEĆA
Senad Subašić, dipl.ecc**

OBRAZLOŽENJE

I PRAVNI OSNOV

- Član 14. Statuta Općine Tešanj („Službeni glasnik Općine Tešanj“ broj 11/07);
- Član 2. Zakona o osnovama sigurnosti saobraćaja na cestama Bosne i Hercegovine („Službeni glasnik BiH” broj 6/06, 75/06 i 44/07).

II OBRAZLOŽENJE

Općinsko vijeće je na 37. sjednici održanoj 29.01.2016. godine donijelo Zaključak kojim se usvaja Nacrt Odluke o o izmjenama i dopunama Odluke o organizaciji i sigurnosti saobraćaja na cestama na području općine Tešanja i upućuje na javnu raspravu.

Usmeni dio javne rasprave održan je 12.02.2016.godine gdje je učestvovalo tridesetpet zainteresiranih građana, predstavnika MZ-e Tešanj, PS Tešanj, Muzeja i dr., koji su iznijeli svoje stavove i prijedloge. Svi prijedlozi i sugestije su obrađeni kroz izvještaj o javnoj raspravi broj 04-02-1-116-4/14 od 15.02.2016. godine koji se dostavlja Općinskom vijeću.

Kroz javnu raspravu uglavnom su iznošeni stavovi protiv novog režima saobraćaja a koji su uglavnom sadržani u nemogućnosti rentanja svojih poslovnih prostora gdje se nije vodilo računa o širim interesima i potrebi očuvanja i provođenja integralne zaštite kulturnog kompleksa Stare čaršije i Starog grada kao i korištenju kulturnih dobara za budućnost.

Sve primjedbe i prijedlozi su obrađeni i uključeni u prijedlog Odluke o izmjenama i dopunama Odluke o organizaciji i sigurnosti saobraćaja na cestama pa je dozvoljen saobraćaj za sva motorna vozila osim u dane pijace (utorkom i petkom u vremenu od 07,00 do 13,00 sati a ulica "Safeta Hadžihasića se proglašava jednosmjernom iz pravca parkinga -natkriveni dio rijeke Tešanjke.

U ulicama u kojima postoji ograničenje saobraćaja može se napraviti izuzetak uslijed vanrednih situacija (rekonstrukcije, specifičnih situacija i dr.) uz posebno odobrenje nadležnog općinskog organa a što je regulisano članom 20. Odluke o organizaciji i sigurnosti saobraćaja na cestama na području općine Tešanj. Istina je da su problemi koji su izneseni (uglavnom ekonomske prirode) bili i ranije izraženi i prije uspostave novog saobraćajnog rješenja pa tu problematiku treba rješavati kroz druge mjere oživljavanja "Titove" ulice gdje bi i privreda i turizam i građani našli zajednički interes.

Rukovodeći se već usvojenim planskim dokumentima ("Revizija plana revitalizacije i regeneracije Stare čaršije i Starog grada Tešanj sa proširenjem granica stare historijske jezgre") kojim je za ulicu "Titova" u saobraćajnom rješenju predviđen specifičan režim saobraćaja, predlažemo Općinskom vijeću Tešanj da se Prijedlog Odluke o izmjenama i dopunama Odluke o organizaciji i sigurnosti saobraćaja na cestama usvoji u predloženom tekstu.

OBRAĐIVAČ

Služba za finansije, privredu,
komunalne i inspeksijske poslove

Hamzalija Hojkurić, dipl. ecc.

PREDLAGAČ OPĆINSKI NAČELNIK

Mr. Sc. Suad Huskić, profesor

Broj: 04-02-1-116-5/16
Datum: 15.02.2016. godine